



Na pordüda antia do na bela parüda cuntra en avversar sterch.

L'aversar dl San löre ne desmostra nia ma sön la cherta de ester sterch mo ince sön le ciamp. Bele tl rode de retüda á La Val messé patí na batosta decuntra. Chësc ultim fin dl'edema é i avversars ruvá a La Val determiná a se porté a ciasa saurí trëi punc.

Süa devënta é indere stada asuiada y indî nia sigüda. I ladins s'á arjigné a dovëi y s'á defenü cun concentrasiun, na picia dijatenziun ti á indere costé en önescmetri y insciö le vantaje avversar. Bele dal mëteman é la concentrasiun mascima te ciamp, vigni movimënt avversar vëgn studié jö y interzeté a dovëi. Ince le sterch Piffrader se stënta a se desmarché por rové pro le palé. La San löre á plö gunot le poses dla cogura mo mëss spo la zede en iade ruvá dan area. Al 28[^] é l'atacant Pupp che driblëia al limit y tira bas cuntra le ciantun de porta, le curan rebat cuntra la pé.

Püch dan la fin dl prüm tēmp se destaca bun le sogadú sön la fascia aversara, porta le palé cuntra area y vëgn contrasté dal defendur dl La Val: le mandl fosch mostra atira sön le önescmetri sēnza sighité. Le set Piffrader se presentēia ala mascima puniziun y tira a bót sigü sot la stangia de porta. Cun en svantaje insuz va i sogadús tla palsa a se ciarié por la secunda pert.

I ghesc fej druch inant mo se limitēia a se sughé le palé tl mezciamp sēnza podēi concretisé val aziun. Chēsc i fej gní nervusc, tan da ti conzed ince ai padruns de ciasa val ocajiun. Al 65[^] röia Matti sön na trata dal ciantun a dērt post a tra cuntra porta, le palé röia chiló por en pulan dlungia ia. Por le rest dl temp ne éle da mustré sō nia de gran ocajiuns, sciöche bele scrit danfora, l'intensité dl jüch é s'á scialdi mustré a mezciamp. Na pordüda antia da dlotí, do che la prestaziun dal punt d'odüda defensiva é stada al' altēza.

La Val - San löre amateurs 0-1

Formaziun: 1. Sepl Kantioler, 2. Thomas Ploner, 3. Max Nagler, 4. Paolo Vallazza, 5. Alan Ellecosta (60[^] Nathan Colletta), 6. Christian Terza, 7. Manuel Ties (65[^] Alex Ploner), 8. Stefan Sottara - capitan, 9. Philip Moling (55[^] Alex Elzenbaumer), 10. Mattia Mutschlechner, (75[^] Martin Ploner) 11. Michele Campeï

Proscima partida: In domēnia dales 15:30 a La ILa le derby cuntra l'ACD Val Badia

Atri resultac:

Altherren (La Val): Plose - La Val 5-0

Allievi (Val Badia): Val Badia - San löre 0-7

Giovanissimi (Mareo/La Val): Mareo - Vahrn 5-4

U-12 (La Val): Taufers - La Val 6-0

U-10 (La Val): La Val - Rina/San Martin 2-3